

後
湘
詩
集

後湘二集卷第一

桐城姚瑩石菴書館

古近體詩

丙子過鍾山書院有作寄陳石士編修光律原刊部
鍾阜依然講帳空憑將涕泗灑東風謝公遊屐窮山水鄭
志遺編有異同南國一時耆舊盡西河羣弟服勤終人才
後起知何限深負貽書到阿蒙

千秋學術太紛夸誰識淵源尚一家常恐時賢從未俗妄
持史論乞京華韓歐有道皆知重漢宋分門祇自誇文苑
儒林君莫問大江東去日西斜

海船行

海船之大如小山挂帆直在青雲閒船頭橫臥日杉板板

上尙可容人千我始見船頗疑怪緣梯拾級心懸懸好風
人眾不得駛坐待海月迎潮圓初行金廈猶在眼橫山一
抹如雲烟放洋漸遠不可見但見八表銀波翻日光慘淡
晝無色夜從水底觀星垣水天空濛只一氣我船點黑如
彈丸清晨無風浪千尺何況月黑風狂顛到此心灰萬慮
死呼息莫辨人鬼關舟中海客坐談笑白髮宛宛披盈肩
自言逐伴五十載海中往反當營田西窮紅毛東日本呂
宋祿賴門庭前尸羅飛頭食人穢噉噉空際行天船隨潮
之禾本盈丈徑寸米供千人餐夷王好貨黷無已國中生
死惟金錢就中最富咬啮吧樓居服食侔神仙利重不覺
輕性命往者十七無生旋我問翁今歲如許應多阡陌橫
雲連客言不幸時命乖雖有銀粟無兒孫前年買兒作假

予飲博百萬盡棄捐如今身老無歸處海上風濤竟日眠
我聞客言三歎息世事紛紛那可極我今渡海胡爲乎歌
成海舶淚沾襦

臺灣行

生平常怪方士言蓬壺方丈瀛海間謂是大言誑人主世
豈真有三神山幾年作宦來臺灣東過滄海窮烟濶扶桑
枝紅挂朝日珊瑚樹綠充庭藩澎湖時時出琪樹高者盈
尺聲璆然四時花榮開未歇夏梅春桂冬桃蓮長年暄暖
無霜雪老死不著棉裘氊山中之人木末處下者亦在蒼
崖巔食無煙火况炊爨男女赤足垂雙環頒律不到周夏
正豈有隸首窮其年洪濛以來到唐宋不與中國人通船
漢初尙未開閩粵此乃荒島盤雲烟或者昔人偶泛海飄

風一至疑神仙愚民自誤誤世主妄思人可壽萬千豈知
世果有此境但無藥草能朱顏若令皇武在今世不待晚
歲憬然翻我爲此歌傳世俗沈迷聊破千年關

登韓氏園最高亭

三年瘴霧變朱顏偶款柴荆欲閉關祇覺山川皆海外不
知身世尙人間秋風白捲寒沙起落日紅依估船還漫擬
魚龍終變化九重高可許躋攀

贈安道士

塵海千年一餉時金丹未就鬢如絲欲尋舊日蓬壺侶碧
草琅玕又幾枝

蘭臺銅柱兩茫然夢裏猶聞勸學仙底事焚香更惆悵飄
零海外已三年

送鹿春如內渡兼示陳屋村二十韻

春如光余一年被議至壬午夏已三年矣甫以郎
中內調將入京師陋村亦以論俸得遷別駕然
及余皆久滯海外於春如之行情見乎辭

盡室南荒外三年大海東飄零爲客異還謫幾人同漫詡
驅雞政曾聞渡虎風銜

恩到鑿齒問俗極穿胸鹿耳春濤黑雞籠曉日紅珊瑚收
未得蕙苴謗何窮旅食徒嗟困愁懷詎有終

聖恩周草木謠詠笑兒童偃蹇吾非傲騰鶩爾自雄艱難
相倚濟去住別窮通父老傳

新詔

朝廷闢四聰一時起聾聵百辟進夔龍驥尚鹽車覆金經

匠石攻憑誰空翼北莫妄倚崆峒浩浩乘飛鷁悽悽乍斷
鴻人嫌汲黯慙賦恨子雲工永日消炎瘴高談發困蒙驚
心猶泛梗回首已傷弓不作鮫人泣長懷漆女忠雷聲將
駭浪日撼貝珠宮

酬張霞翬

江東名士各紛紛老去驂騑尚軼羣萬里乘槎人作客十
年話舊我逢君沈酣畫筆多吳會跌宕詩情半楚雲莫問
樽前寥落事海天風雨入宵分

謫宦沈淪竟渺茫離歌一曲欲沾裳詠懷阮籍非關醉好
哭唐衢未是狂已分人呼作牛馬可能天與傲羲皇樅陽
春水鍾山月愁對蕭蕭兩鬢霜

送趙邠麓

冷父山前暮雨涼
武陵公子言還鄉
輕裝小舟謝祖送
荔枝摘盡秋葉黃
我初見君在南海
兩少翩翩負文采
十年世事各蹉跎
執手閩中顏色改
吾師勛名早建旌
二十三郡民情陶
誓將丹誠報

明主亭亭勁節青
雲高王公大臣容
度肅寢處猶是諸
生服執禮郎君日
過庭放言弟子時
前席羨君省覲當
及時我今失怙空
銜悲人生骨月不
歡聚富貴紛紛空
爾爲延津八月灘
流淺怪石矜硎利
刀翦灘師失色篙
工愁上下船呼人
過險閩山閩水不
堪行何似湖湘萬
里清憑君此去覓
漁父日夕雁外挈
音鳴

宿漁溪寄張泰鴻

廿年爲客縱清狂
薄宦頻添鬢上霜
絕海波濤連地動
三

山冠蓋逐塵黃登牀我未逢嚴武授館君真匿范滂何處
聞雞眠不得玉融江外月蒼蒼

臥病

輾轉匡牀骨瘦羸半生心事已乖違病中始覺身爲客夢
裏頻聞母喚兒萬里關河長缺在五更風雨短檠敲無端
卻憶蘆溝道十七年前馬上時

得馬元伯書喜得歸里閩又有嶺南之遊

馬融不見十經春海外開緘倍黯神謫宦身從黑水塞還
家淚盡白頭親蟲魚訓詁存多少薏苡明珠任墮真底事
遠遊能不惜更披袒褐向風塵

星蝕月

入夜熒熒一星白含光吐耀精神發誰從海外親見之飛

來蝕我瑤臺月是時青天萬里明纖塵不染銀河清三台
四輔環斗極妖星敢爾殊堪驚廣寒香風結桂子枝葉青
蕊竟何似吳質有斧不驅除紫府仙人應罪爾或言黃河
水氣乘太陰東南比歲防秋霖不然賊星犯兩曜姦民嘯
聚相侵陵世閒久已無甘石天象淵微那可測
聖人清靜在宮中慎毋妄言干斧鉞

送張霞翁內渡

三絕誰如顧虎頭十年不見使人愁無端海外逢青眼相
對尊前傲黑裘世事沈淪從逝水詩情笑傲寄扁舟獨憐
潑墨爲花鳥又向人閒幾百秋

漫言萬里掣長鯨一夕天涯白髮生未必文章通造化可
能談笑取公卿趙岐自昔傭東海李廣何年守北平皎月

三更邊柝靜倚欄又見斗牛橫

蚤歲

蚤歲功名欲擅奇壯遊橫海絕天涯誰言破浪乘風客又
課垂髫問字兒同輩金蟬誰意氣腐儒門戶自他離中年
臥病逢淪落一飯難忘憶舊時

自問

天涯何事二毛侵往事難從病裏尋下筆忽如奔萬馬無
家猶自散千金親朋隔絕貽書在父老咨嗟感舊深出處
祇今君莫問夜來風雨抱寒衾

海外較閑

將軍大旆出千營馬上弓弦霹靂聲肉食何能知慷慨酒
徒偏覺意縱橫旌旗閃自雲中暗鼓角驚從海底鳴競道

樓船橫萬里據鞍誰是倚長城

伯印奉使盛京恭篆

高廟玉寶還寄兒憶之作

皇圖三萬括華夷遼瀋千年作舊畿長白龍飛天下祖混
同神降古來奇東征銘勒殊班固小篆名高邁李斯還憶
惠連寥落甚北風吹雪獨題詩

病中作

六州鐵鑄此生錯百鍊鋼爲繞指柔稷下更無騶子說夢
中猶作杞人憂風催藥熟宵餘火雨帶潮寒夏欲裘海外
此情誰共憶柝聲笳吹起邊樓

得家兄伯符書言葬事未就

斷腸骨肉死生分哀叫天高慘不聞偷息爲畱身養母買

山還葬事貽君貧儒豈作三公計
荒殯何艱七尺墳江海
茫茫寒食節九原無處薦靈芬

寄謙弟

賤貧骨月常相棄況是天涯謫宦餘
人作鳥言番社熟路
逢鬼笑客囊虛春風有約草先綠
海島無方顏再朱別久
莫嫌疎寄語惡懷愁緒不堪書

寄懷胡小東光律原二比部兼呈族兄子卿五官正
星精幾歲降東方執戟何如畫省郎
仙署白雲春起草禁
庭明月夜含香翁歸已見移京兆
尹鐸猶聞罷晉陽惆悵
天南問遺逸海山烟樹獨蒼蒼

清峻尤憐光比部三年不寄一封書
高樓白雪能吟否故
國青山入夢頻結客近知門有雀
當筵休歎食無魚聞君

網得珊瑚樹萬里昆明返使車

靈臺百尺倚雲霄

聖德時和玉燭調五緯聯輝珠作貫一星臨極斗回杓官
隆太史猶稱漢論著昕天本自姚底事積尸侵織女牽牛
長恨夜迢迢

子卿時悼亡

次韻馬元伯自黑龍江歸里與劉孟塗朱歌堂小飲
寄懷之作

黑龍江外喜歸來赤嵌城邊氣未頽念我風波窮海角憐
君冰雪過雲堆

殊恩再許金雞放絕域新從絳帳回

元伯在黑龍江將軍奏主講席

莫便

伶仃傷老大致身終望出羣才

孟塗幾載無消息苦憶歌堂白髮催聞道壯遊曾五嶽可

能得句尙千杯人閒不見劉蕡第地下猶憐小阮才生死
別離無限憶夢魂梁月儻應來

再和元伯至京師見懷一首次韻

桓家兩女乘龍日爲許聲稱共汝賢中外一分歧路轍龍

蛇同厄去官年

余與元伯被議俱以辰巳之歲

南州名士思劉表左氏遺

經問服虔

元伯尊甫著左傳補註多輯服子慎說

獨有海東精衛恨哀鳴常

誦蓼莪篇

述憂

人生無百歲八九在憂患仕宦與遠遊紛紛多聚散骨月
四五人常苦不相見無幾爲歡娛行行復愁歎青蠅滿天
地黃雀動遭彈一朝失我帖寸草自茲斷哀絕平生親生
死不相喚悠悠九泉路杳杳誰與伴衣物永棄捐詩書亦

零亂天涯作寒食萬里方汗漫

天風作海濤六合恣一次巨浸淹北斗何處著大地飄飄
斷梗流溟滓將安致鴻濛忽已遠莫問開闢意萑萑優曇
花業風偶飄墜一沾道傍污素質委泥漬蹂躪何足道惜
此天人瑞達哉莊叟論齊物以爲志

長夏忽霖雨驕陽避輕雷飄風溼井幹白石滋莓苔佛桑
紅未休芭蕉綠尤佳起視蘭與蕙何時已先摧羲皇闢苞
符天地相胚胎陰陽有始終序物徒盛衰誰能問消息悠
悠使我哀

至人遊八極搏弄日月光不入生死途甯有哀樂方與化
無終盡何物可頡頏所以老釋徒念此輕侯王或言學不
至時亦有所傷木槿慕大椿鵲鵲效鳳凰物理非一致大

小不相量斯言孰是非萬古終茫茫

曉起有懷劉明東朱歌堂

客久因循慣園荒歲月侵寒花依白日黃葉下疎林豈不
故鄉思其如海水深羊求書尙在啓篋見君心

甲申十月生日作

行年四十顏衰久強半天涯歎離羣臣壯不如今欲老後
生可畏竟無聞衝寒黯黯孤城日匝野冥冥大海雲從古
書生能慷慨一杯遙酌杜司勳

臺灣郡齋紅蕉數株六月放花至十一月強半葉枯
而花未已小鳥時時來啄詩以慰之

玲瓏石畔倚輕紅開落紛紛小院中爲伴愁人聽夜雨那
堪嬌鳥啄秋風芳心密卷終難放綠葉敲殘尙一叢不用

天涯嗟歲晚春風猶在海雲東

望溪端硯歌

方仲懷見端

望溪舊硯端溪石紫光潤膩方徑尺中有微凹漬墨痕想見淋漓濡大筆

國朝文章公最殊驂駟似並歐陽驅

聖皇知遇亦已極爲公特免全族誅白衣猶與

承明直

世廟時容參密勿伉直不顧權貴驚聲名况已傾同列有文如公不修史當時相國原同里竟遺班固識崔瑗太息鄂相臨川李摩訶公物如見公文章憎命千秋同我正含毫得此硯會看吐氣如長虹

別穎齋觀察

人生若浮雲來往往在所寄况乃憂患中託身君子契使君
經國彥植身圭璋器締交重金蘭問言別涇渭臺洋古荒
服

聖代所新置開闢千里疆閩粵賴屏蔽

九重咨守牧惟君實幹濟永念民番憂抗言陳大計簿書
常午夜妻子惜况瘁盜已靖萑苻軍還罷烽燧瑩也江海
人狂直疎世事愧乏鸚鵡才風塵久淪棄吾師開幕府

達樓

昔閩浙寶總制知弟莫若師居常發深喟此非一世才諳
語自韜晦君能置腹心蒙敢恣微技既鼓邯鄲瑟時下雍
門淚忘形到爾汝禮豈爲我輩冬夜非不長語多猶少寐
焦冥遊冥渤自此快心意胡乃遠別離又向長安市陳遵
驛再投徐穉榻幾敝世事苦牽促一朝遂分袂贈我橐中

懽骨肉且爲家老親主計中庭靜稚子能書弱女誇一日
優當三日聚不妨終夜笑言譚

猶予相逢泣路隅纔看束髮忽微鬚迎來新婦宜家否歸
去嚴親督過無少小記嘗終歲病零丁我已百年孤異鄉
門戶支非易白髮慈闈賴汝扶

燕山粵水兩茫茫去夏來秋歲月忙赤日馬嘶千里汗青
天雁叫一林霜故園歸及荷香淨驛路愁看柳色黃知否
行人回首處江雲南盡海雲長

閨人蓄婢勸綢詩以謝之

兔絲蘿蔓結萌芽翦席匡牀兩願賒愁裏朱顏羞鏡匣夢
中春色惜年華懷香自種宜男艸買笑何須解語鶯惟有
婦聞慎調護曉風莫使透窗紗

鐏白髮歌

鐏白髮白髮亂如絲鐏之不可盡愁來無已時前年去年
髮已白三莖五莖猶可摘今年白髮亦太多蕭蕭兩鬢將
如何君不見少陵坐白思昭代途窮叫闥泣真宰腹有梳
頭滿面絲氣衝星象竟安在又不見蕭郎當日深宮中手
把一片磨青銅宮女如鵲鐏白髮一笑始覺爲人公古來
英雄得意尙如此何況區區失路子王彪讀書賈生哭我
今頭白又何侶吁嗟乎黃金散盡有時來白日西落還東
迴惟有黑頭一白不肖復悔不早歲山中斷黃獨

遊鼓山偕張亨甫林梅友汪鐵崖三子繼光小疾亦
欣與焉

曰余厭塵韞乘暇事幽討侵晨飛雨來城郭烟微渺野水

既平陂嘉禾亦秀好尋源策蒙翳拾級盤磴道澗篠鬱歲
藥石蘿薜縈抱不知行遠近蒼翠滿衣屨

邁言陟層巘乃見青琳宮不覺上方高迴首惟空濛雨昏
梵初唱殿古鐙微紅喃喃塢上鈴磴磴廚閒春聊憩謝公
屐來叩元門宗僧俗不可語一笑聞齋鐘

振衣白雲端躡足靈虬窟磴仄悄藜微崖深驚霧黑陰林
漱虛瀨絕壁坐倒石雲棲旣未能豹隱安可得懷古緬前
蹤題名半漫滅獨有靈源在法師不容竭

飄風動長壑暮雨前山改窅籠雲霧歸僧房複青靄山蔬
何時熟礪果余方採澗酒開芳顏清言得元解晏公久已
寂晦翁不相待儵然且盡醉忽已忘千載

禪牀了無夢寂寂寒宵深瀝瀝雨飄澗設設風吹林檻危

山鬼逼帳冷石氣侵倦僮睽方酣諸子寐何沈眷言平生
愛杳杳不可尋何必晨鐘發悄然憬我心

初陽霽東壁策杖凌高峰途半力已殫坐見全郡雄峻嶺
蹲五虎長橋蜿蜒雙虹勢絕甌越外氣吞滄海東乃知禹服
隘

皇運無終窮嗟彼王氏子徒矜割據功

茲遊旣云疲前勝方未畢山光蕩晴波眾帆混朝旭樹暖
遠邛烟鳥斷平蕪目僧邀觀舍利夏啓血經牘事愚安足
論興盡與人促遐哉二三子遂起阿咸疾

舟中暮雨有懷

殷殷前山雷颯颯中洲雨停橈翫青岑薜荔攀芳嶼芬香
已盈襲水禽復容與時有千里思佳人竟何計

延平曉發

迴風吹雨過前溪殘月斜窺疊嶂西一夜鐘聲疎近遠四
山雞唱亂高低鷓鴣斷夢畱行客杜宇驚魂破曉聞短櫂
是歸仍是別海南江北總淒迷

晚泊延平城下喜張慶齋見過且餽茶筍

我舟日日溪山行滿山竹樹蒼然平何來紺碧耀雙眼陵
空雉堞連飛甍聯騎走蓋達官過鮮魚活蟹風腥生參差
樓觀幾千疊有如浪湧飛鸞輕天長水遠得此觀雨餘權
轉斜陽明心疑雲霧幻山市目所未見喜且驚那知卻憑
五丁力鑿崖駕壑開孤城舟行漸近人語亂晚市初上船
鳴鉦故人何緣知我過握手一笑沙頭迎舟行寂寞貪話
舊翦燭不覺傳宵更苦勸我畱不可住餽我山筍溪茗清

君言官卑意不樂妻孥黃馘難爲情語君且休耐卒歲絕
勝六月余長征試煮清泉看魚眼夜深猶作松風鳴

座主趙武陵公靜坐澄心圖

我雖未竄儒釋書微言頗復識其麤二家之言億千萬冰
炭了不相涉濡惟有清心欲歸靜此理信不差錦銖浮屠
之法但簡要人緣世事胥屏除六塵斷盡生六識死灰槁
木寂已枯出戒得定定得慧有如待兔先守株後來禪宗
好頓悟捕風逐影終蹈虛儒家者流貴踐實至理不外塵
寰區倫常日用緒千萬一有條理非紛拏坐酬變動歸愜
當神涌識定惟中樞事勞功半甚不易以此往往廢半途
武陵夫子儒者徒立身喬嶽青松孤連圻聖制數十郡事
無鉅細罔或疎心神盡瘁不自惜要使誠至明眞吾如公

金石洵不渝猶恐滄雜中馳驅治心如虎受銜勒稍一放
縱難可拘二六時暇卽靜聖檢點有若追亡逋泥滓旣盡
始澄澈世閒萬事皆泓如觀心自謂得觀我戛命良工爲
此圖世人著書好曉舌或有非釋或非儒滿山張弓覓黃
雀室中已失明月珠誰能終老事方寸展圖爲公一長吁

題圖後復作一首奉別

大官紛紛擊車轂日望牙旗樹高纛小官攘攘承下風咳
唾九天盡珠玉錢多未厭妻孥喜那問蒼生哭茅屋鰥生
作計亦大奇感時論事無瞻迴每到快處不忌諱惟師太
息優容之功名斗大不道小家貧屢罄千金貲微官旣罷
復何語

聖主矜憐猶召取三年僑寄榕城隈老親寡妻未言苦漸

覺雨鬢非少年不知何方立門戶朝來辭別有遠行感公
一語丁甯頻官高恩重不得還他時汝勿遲歸耕再拜敢
不終身佩志氣年來亦荒廢少陵蹭蹬已無鱗馮婦下車
聊攘臂丈夫劇知羞再辱終當結屋龍眠曲

舟中午夢到一園亭有軒池竹石之勝主人煮茗邀
客甚殷作詩以贈覺乃僅憶八句遂率成之

小池疊石爲屏風下有古井潛蛟龍遶亭蔣竹華當檻芙
蓉未歇芭蕉紅主人愛茶更愛客煮水共話龍鱗松炎暑
不到清晝永夜來冷月深朦朧舟師不解此勝趣一篙驚
破笑語濃沙灘水急山雨重三五野碓無人舂

山水大漲舟不得進泊葭葦中遙望斷山一缺登岸
攀緣久之得一狹口更百餘步豁然開朗稻田數

百頃嘉禾青秀可愛山泉亂響溝渠滿溉四面山
圍綠合竹樹甚茂平疇中起一小山高里許巖谷
天然時雨初晴四山艸香撲鼻野鳥雜色格磔飛
鳴不可名狀斐回經時心甚羨之歸詢舟人不知
地名亦未嘗至也

五月既半六月前雷雨日作黃梅鎮溪行十日八九住水
漲浪高打我船篙師攢眉奴子罵灘頭不進相爭諠披衣
且喜傍綠岸煩惱暫弃聊攀綠亂山合脊徑路絕蜿蜒一
缺差可沿紆迴艸沙衣盡涇狹口過處俄平川天開嶂闢
豁雙眼青疇百頃轟飛泉白鵝綠鴨大如鶴牛羊不牧行
且眠人家三五結茅屋青藤崖畔時炊烟遠山四圍碧玉
嶂竹樹彌望潏蒼然龐眉老人不須杖行走峭壁如猱猿

小鳥種色目未見弄晴格磔飛翾翾嶄然小山中特起方
湖一鑑擎青蓮嶽寄頗具巖壑勝恨無鐘磬聞遙天但見
白雲翳山頂或有吸露人千年我行終年歎塵土何時得
搆深山椽僕夫走催灘水退出山解纜心慙煎始覺人行
太倥傯世閒何處無仙源

苦雨

天公惱人亦太甚五月上灘灘水勁舟子叫罵不冒行急
雨橫風吹陣陣蒼蠅飛集不可驅撲面繞鬚使我恨我從
三月航海來人言春水如潑醅無緣忽遭海若妬惡風吹
嚮潮陽回日日愁風復愁雨十年行舟無此苦魚龍得意
恣羶腥山竹欺人葉飛舞此時無計惟讀書低頭曲背那
敢舒忽然奮筆大快意淋漓疾寫不待濡縱橫直欲空四

海詩成風雨爲先驅

守水

小船兀兀如龜趺守水三日心意枯淡來莫問添幾尺昨日艸頭今已無不耐夏與舟人叫奴老僵臥朝至晡我亦疎慵好作睡愁多夢境皆模糊醒後特復弄筆墨顛倒李杜傾韓蘇山神憐我苦寂寞蟲吟蛙噪動四隅自知無人夏酬唱艸根水際相和鳴山鳩何事亦不樂喚晴逐婦猶追呼

後湘二集卷第一終

後湘二集卷第二

桐城姚瑩石甫著

古近體詩

蜻蜓

蜻蜓貼水如貼萍翼如霧縠身何輕不逐腥臭不染塵餐
惟香露宿艸莖前身合是羽衣人不知能否爲長生得食
卽飛終無聲蜂狂蝶浪亦莫爭秋蟬之品雖言清居高美
蔭常自鳴

留別臺中人士

誼闡祖帳滿城闔挂席中流一愴神絕海萬人爭召父全
家終日託波臣天迴暗島舟長夜地盡竄荒古不賓得失
微官何足問

聖朝宵旰在生民

昔賢清節恐人知後世徒工作繭絲百姓可眞無疾苦一身何必計盈虧金父老償官急餽米胥徒感舊悲輸與百錢相送別高風吾已愧當時

烏山赤嵌兩蒼蒼鹿耳濤聲接混茫雀鼠未平庭下艸蠶絲難樹宅邊桑絕憐海外彈丸地獨運天南數郡糧戶口日增民利盡不知藏富幾千倉

華夷中界浪掀掀萬古鴻濛一旦開自昔鯨鯢收海澨至今烽火罷軍臺淒涼畫角三更戛尊重牙旗百戰材猶有昭忠祠宇在居人墮淚埽煤哀

城狐社鼠屢驚駭

廟算頻煩

聖主勞百尺豐碑銘上將萬家新鬼哭寒潮書生殄賊皆
能武州澤從公豈待招幾輩白頭今日在天教忠義翊
清朝

示內

左思晉作嬌女篇陶公慰情亦勝無與君四十未爲老有
女長大良可娛有筆莫敘事詩書有鏡惟令勤洗梳男兒
才多尙坎壈閨中塗抹何所須但須縫裳與櫛髮婉順自
得堂上姑夫壻縱不皆言殊此樂亦當人不如

二鳥詩過南昌呈座主劉少宰時以編修引疾歸里
成周鷺鷥響岐山吉羽光暉照八寰斂翮偶輪蒼隼擊辭
巢翻羨白鷗閒

聖朝有意千年瑞阿閣無人一夕還誤把文章教孔雀枉

令猜忌學鵲鸞

事見後感懷雜詩注

黃鵠胡爲事遠遊也坐修羽到炎洲甯從杜宇棲荆棘不
逐鴛鴦上玉樓填石夢驚滄海夜銜蘆聲盡雁門秋何時
汗漫雲閒樂一破長江萬里愁

夏寒行寄方植之

我行扁舟當夏令小暑節中火序盛大寒十日著棉裘擁
衾不起俄驚病卻看僮僕亦復爾皆謂連朝風雨勁我聞
閩南古炎方此尙嚴寒况燕晉三公陰陽待變埋寒暑不
時豈乖政或疑天道近南行北地冬來少堅凌念君久遊
尚南粵升斗傍人顏覲甚病妻十載不下牀弱子治家積
憂恟幾時歸載千金裝索道滿門食每併蕭條白髮又幾
許看我頭顱識君鬢身健佳日強看等夜永寒燈休對鏡

篋中猶憶前歲書念我居憂相弔問自言世事更閱歷富
貴浮雲茲可信作文何必近韓歐學道時能悅心性我恨
少日已蹉跎壯作宦遊轉贈送人廣眾愧折腰見客小
兒崇貌敬庭中鞭笞未能無境內萑苻差可靖清貧尙得
父老憐窮薄不解上官憎罷黜三歲未足道旅食一家真
覺困

聖明乃照百寮底感激北行方待

命卻愁車輪過鄉里未入郭門淚先迸十年不訪舊親朋
半嚮山中作青燐自從小阮喪京師菴園老人亦在殯甫
報龍眼哭子方亳州又說明東殯平生知好曾幾人似此
凋傷何太迅亦知人生本朝露鵬鷃紛紛笑同盡此身未
死不無情達觀終疑理非正問君何日得歸來握手一慟

還相慶莫教死後空銜哀幸及生前勤問訊粵中寒暑近
何如尙有綈袍爲爾贈

湘子橋

潮江駕橋虹飲水世俗紛紛說湘子有術能開頃刻筭事
雖荒唐亦可喜韓公嘗祭十二郎知有族子遊湖湘或者
異人傳術數事能先知理亦常神仙道成終委蛻何必昇
天爲駭異八洞位次誰定之徒與人閒作兒戲君不見橋
頭塑像美少年道袍巾履猶儼然瞽者憑君長賣卜曉曉
口禱擲金錢

舟行觸魚躍起丈餘惜不能得之

短篷十日住漩渦清晨解纜船湧波雲開喜見山露角水
清不覺魚投梭素髻銀尾二尺許騰高能隔船頭過恨無

網張已聽去舟子詫憎奴咨嗟朝來蔬盡苦無饌舉茶澆
飯盤空羅目前有魚尙不得賦命窮薄遑求他卻思今年
客邸樂端午置酒堂前阿旅食雖無百穀備柘盤狼藉蒲
艾多老蝗何年珠在腹我食得之眾誼譁皆言事稀兆最
吉老母懽笑顏爲配得珠失魚亦偶爾今日嗟歎前日歌
未知人生幾歡會青山紅日休蹉跎安得家人似明月每
逢三五青銅磨

獨酌偶憶曾在粵中有術者言余前身爲王無功戲

賦此篇

我生終歲嗟塵勞奇情異事時一遭世言有術仙可召我
嘗學之破寂寥仙者與人了不異清談往往莊閒嘲我問
前身作何等謂我本是王東臯醉鄉日月殊不惡胡乃我

不中情陶少常好醉作狂態意氣但覺千夫豪酒酣興高
輒慷慨歌哭嘻笑何無聊胸中磊磊百代事一時發洩如
春潮世俗憤疾益壯烈恨不手握昆吾刀南窮粵海北燕
趙金陵畫舸西湖撓酒痕淚跡到處滿肺腑中物誰能澆
中年老親爲我戒經時不使唇沾醪偶然竊飲自檢束忘
情不免驚朋僚以我上擬無功飲無乃秦漢方義巢口雖
不信心獨喜況今霜鬢風騷騷荒途邨沽聊自酌墨侯毛
穎我所邀二子與我無忌諱終當不似張陳交慎勿浪語
阮瞻輩定遭呵罵疑我妖

新城道中

十年閩越遊慣作閩人語今日至新城始覺殊風土天垂
川勢闊往往見平楚石磴響朝輪布帆羅夕渚青嶺日峯

山白皙黎川婦雖非故鄉邑
幾遠窮邊趣卻望海東雲
吾親何處所莫使嶺猿啼
哀音涕如雨

吾聞麻姑山上有秦人峯
麻姑不可見秦人樵尙逢
面目已黎黑行走如輕鴻
避世得長年老醜變形容
家人俱物化一身亦孤蹤
縱復顏色好誰與爲懽
惺寄語學僊者悔念將母同

舟起蚤發

明星出地三尺高
近邨遠邨雞亂號
泊舟夜熱睡不得
舟子自起呼駕篙
白月已墮前山
均眾星熠熠光
動搖風生細
波水未冷露下
唼喋魚潛跳
銀河未卷千尺
練絳雲已幔
百匹綃湖光
倒射底盡赤
龍宮夜火驚
鼉蛟人生此景
那常見何必
攘攘嫌塵勞

雙姑謠

大姑著鳳鳥湖上凌波立小姑螺髻妝江心翠帶長雙姑
迢迢相對語彭郎磯上煙和雨煙雨日夜深千年不嫁愁
人心惟有女兒強解事港內避人偷眼覷笑殺匡廬五老
人白頭猶似憎青春翠屏不幃小兒女暮暮朝朝枉雨雲
湖口夜下

幾年遊海外今夜返江濱枕上月千里雲中檣一枝風輕
挂帆早野闊聞雞遲遠岸蕭蕭處蘆花初白時

馬當狂何許已過小孤山回首碧雲外煙波擁翠鬢飛星
臨水沒殘月向人彎不覺客衣冷遙天白露圓

湖中淹桂楫日日對匡君湖水欲盡處匡山尚白雲清謳
遙夜發之子半天聞卻望松滋渡相思自此分

歸家示友人

各遊羞見二毛新
暫洗征衣陌上塵
碧海濤前夜夢黃
華時節故園人存
亡不盡親朋淚去
住徒傷局促身
阿姁大姑憐別久
珍廚蚤晚勸餐頻

平生不問買山錢
百萬猶爭一擲先
四壁幸畱司馬宅
五湖何必子皮船
秋風嫋嫋橫陽水
野日荒荒薊北天
七尺男兒身手在
莫因憔悴動潸然

後湘二集卷第二終

後湘二集卷第三

桐城姚瑩石甫著

古近體詩

哭謙弟

海天風浪得歸遲不見彌留屬續時
千里浪遊按婦篋三年惡病誤余期
傷亡弱子成何日散漫遺書淚尚滋
猶有殯宮荒野在九原何以慰嚴慈

吳春麓侍御招同鄧湘臯集大觀亭且約遊白鶴峯
牢落風塵外奔騰歲月閒夢魂猶碧海秋色已寒山
遠樹連江動浮雲嚮夕殷孤忠有祠宇今古一悽顏
五百年前水曾同碧血流艱難懷國士浩蕩倚江樓
玉樹驚秋落牙旗重上遊從來天塹險爲問濟時舟

侍御聲名久

朝端幾上書歸猶興禮樂志豈狎樵漁山水清音遠行吟
白髮疎何當從負笈問字乞三餘

往讀騷人傳長懷澤畔吟至今湘水綠猶與芷蘭深況我
正秋思惟君諧素心相逢何所贈一鼓伯牙琴

搔首青山客銜栢碧檻前家畱榕樹國歸近菊粵天落日
空江暮高城萬戶燁平生舊遊地憑眺總堪憐

白鶴峰何處頻年望故鄉霜天秋漠漠江水日湯湯有客
尋山寺無田覓稻梁晚來蘆荻冷目盡雁南翔

寒知閣在龍眠山內左忠毅少時讀書于此張文端
嘗作詩和者頗多春麓侍御屬作長句

男兒墮地讀經史但解功名不解死功名幾見入凌煙滿

眼紛紛盡朱紫龍眠山下誰讀書左公當日眞丈夫鐵作
肝膽石作骨勁節終得綱常扶松青青石稜稜艸閣矗立
碧血腥夜深月白冰滿谷寒風瑟瑟來精靈公已騎箕上
天去世人抵死何恩遽我生不願讀公書但願從公覓死
處

鄧湘臯先人松堂讀書圖

蒼龍盤空一百尺垂髯參參色溪碧月明時作風雨聲中
有老人頭正白老人頭白猶陰哦愛龍結屋青巖阿何年
老人化鶴去階前但見森枝柯後來讀書者誰子文杏香
茅重葺理拂拭蒼幹紛雪霜老人有孫龍不死龍不死柴
門開艸堂日待聞舊雷鞭龍去作人閒雨多少蒼生會起
彼

湘臯有田在新化之南邨其兄雲渠隱焉以湘臯常
遊外恐其仕作書招之湘臯乃作南邨耦畊圖以
見志

資江水遠搖青蒼溪流幾派來湖湘中有千頃平田良魚
肥蟹滿多稻梁南邨先生家在旁數椽茅屋牆樹桑外翳
喬木盈千章鳩鳴鶯語流笙簧清泉泠泠迴陂塘四山蒼
雨松雪香雲渠老人眉色黃何蓑薑笠鋤柄長呼牛嚮田
水滿廂泥滑不顧沾衣裳先生大笑相扶將綠雲滿地禾
初秧置田此處謀誠臧東坡陽羨空彷徨可憐先生猶四
方歲暮不歸遙相望燕趙有女顏姬姜姑蘇美人名夷光
煙鬟霧鬢珍珠璫先生委棄如秋霜應聘一履公侯堂諸
公倒屣爭飛觴歌詞散落多慨慷長劒耿耿倚太行男兒

有志何軒昂會當騰蹕萬里疆

聖主堯舜方當陽峩峩

宮闕龍飛翔雄文上揭星辰煌湯盤周鼎宐

廟廊請君去買青絲韁蒼生待起時事皇行年五十身手
強何必歎老終江鄉

汪芝亭太守得一畫宮殿人物甚眾有神人自空中
下一紳笏者拜之翁覃溪學士定爲閣立本畫天
策府圖又得山谷老人書歸去來辭墨蹟太守寶
之合爲一冊名曰唐宋合璧屬題余謂此非唐畫
殆明嘉靖時宮中建醮圖也畫不知誰作頗有文
符詔筆妙字則真黃書耳爲作一律

紫府神僊渺故山松菊多古人紛墨妙吾輩且高歌慘澹

心何極雲煙眼又過明朝江上路回首此摩挲

剝栗歌

剝栗剝栗我剝君食栗不如生人不如熟月明星光流影
洞房今夕讌樂鳴琴初張我始見君華月輕雲十年契闊
有言不聞煒煒彤管貽書常滿我心日長我髮日短陟彼
高山泫然叢邱趯趯狐兔使我心憂胡顏如玉而心匪石
君不我思我終不易蓬矢桑弧四方爲徒勉君令德甘爲
我吁

贈馬元伯

我之從祖姑於君爲大母淑德耀女宗鍾郝齊芳軌君之
閨中婦倫鑒故無比偶與祖姑言黃裳負才美我少且貧
賤願謂無妨耳蘿蔓結兔絲論昏遼女弟君才蚤卓犖挾

藻紛葩蘄翔步

天衢閒譚經虎觀起十年歷曹務論事無謫詭公卿動色
嗟左右手常倚色盛見羣嫉譽高來眾毀譴謫何倉皇窮
邊逾萬里冰天與雪窖從古絕朱紫丈夫身許

國慷慨自茲始可憐笨薄車閒道歸妻子目斷山海關聲
咽桑乾水

天恩許孝養感極翻墮淚黑頭喜君還白髮痛姑死自慚
淪下吏微祿事甘旨窮海輕風濤長官憑怒喜平生好謔
諤不解妄諾唯信知賦命乖牛馬任鞭箠寵辱良足驚虛
聲尤自恥蹉跎華髮衰忠信天日矢常恐海水枯更愁天
柱圯出入懷百憂無甯戀棘枳驅車更北征眷言過桑梓
我本無儋石門戶幾遷徙停步問鄰人迴頭爲我指艱難

見兄姪揖媵及姑姊親故半無存揮淚那可止且得近君
居兩家不盈咫尺見君孀母健喜動深閨裏亭亭兩男兒骨
相殊修偉酒食時見召情親淪骨髓君從淮上來握手話
屯否髭鬢詞我非面目欣猶是中堂坐剪燭漏盡語未已
君言黃河漫非復昔年似土盡蘆荻荒不奈洪流駛
聖人罄金錢莫救呼庚癸薄海頌至仁天心庶可恃讀君
塞外詩激壯含文綺區區志忠愛灑淚溼滿紙誰能動
皇鑒世事且波靡鬱鬱湖底松耿耿原上雉松高尋斧斤
雉信罹羅矣北風吹雨雪長路方邐迤久客厭舟車故鄉
聊葺理不恨遠別離惜此天中暑人生幾少壯有酒爲盡
此行矣勿復言激昂愧知己

寄伯山

問君猶未達華髮近如何細細雙魚素冥冥滄海波酒因
窠歲少愁是故鄉多莫便成蕭瑟文章氣不磨

方竹吾吳岳卿朱歌堂魯岑家易卿緒周里中小集

明日竹吾之浙西余亦將入都

冬陽忽已暮草樹亦蕭慘蕭蕭飛鴻侶儵然振哀音嚴程
苦霜雪彌望冰滿林嗟余事遠遊久矣江海心戚里慙懣
讌繼繼中情深惜哉騏驥足老厭長途征盛歲不再茲歎
往復傷今如何君子去棄我先爲行明晨征車發聊復酌
金尊

酬別同年金鶴皋大令周伯恬陸綸山及里中諸子

時眾人讌集北園爲餞凡三十二人諸君皆有詩
人生有情怕離別况是相逢肝膽熱溪山一片冷秋光欲

上行人鬢邊雪名園松老竹逕溪主人愛客輕黃金結交
十年不相見握手一笑平生心我從海上來更得海中霧
親見蓬萊水底乾龍鞭擊碎珊瑚樹揭來更走長安道
向家山事幽討故人聚散有死生顧我形容亦枯槁舊交
零落新知多開筵作餞爭高歌酒酣聲壯吐奇怪金戈鐵
騎相礮磨高歌忽動神明宰又觸離情嚮江海春明回首
二十年鵬鴒鵬鵬幾人有西風稜稜馬蕭蕭星河明滅關
山遙青萍脫手發意氣精光十丈猶干霄

夜行沙磧中有作寄內

鐸語破殘夢僕夫鳴夜鞭露重沙共白星盡月孤圓宵路
長如海我行真到天懸知慣離別無事問金錢

管異之紫芝圖

異之攜圖索我詩自言近歲家產芝光豔郁郁莖幹好肉
色凝紫如凝脂貧家何從得瑞異天命禍福心狐疑可憐
秋來一領薦先生自喜傍人嗤由來神物不忍褻或恐辜
負皇天慈繪圖遠攜到京國

君門欲獻還遲遲昇平無人識祥瑞先生報罷芝何衰我
爲子歌芝莫悲鳳凰麒麟來有時道高不憎徇世俗矯矯
龍性或爲蛇荒江老屋風雨壞此中足夢宣尼師勸君攜
圖且歸去造物未必空靈奇况聞諸侯已徵聘厚幣聊復
忘寒飢

雜還

雜還燕胡酒淒涼曉夜鉦清時猶戰伐絕代幾勳名世事
悲難盡中年感易生迢迢邊上月今古一含情

馬湘飄以其字作圖屬題卽寄管異之梅伯言侯念

勤三子

我家龍眠楚江北夢魂時在瀟與湘怪哉平生足未到何
來澤畔哀吟長湘水清冷斑竹紫九嶷連燼綠雲裏迴風
吹影落煙波慟絕騷人此中死馬卿年少能作歌新辭哀
豔今如何夜月湘靈罷鼓瑟春風山鬼來披蘿丹青何人
解幽思筆底蒼茫寫空翠孤帆遠水碧天長我更爲君一
灑淚卻憶金陵同醉客江鷁江艸爭顏色別離動是十年
昔又向京華歎頭白我歌君畫人不知挂帆明日長相思
青蠅鼓翅滿天地願我出門安所之

燕語一首贈姜聽珂別駕

燕語鶯愁破曉寒鳳城春色若爲關浮雲有恨人方去芳

椿長槿短自朝暮古今變化無停機江山到處風景在任
人領取天不私精粗趣殊好惡別持與世較孰得之壯哉
君言有如此歲在辛卯聊自著六十語年末云足至理所
得已不貲儻遇胡賈論世價此行豈但驕鴟夷乃知逆旅
初不惡有生來去空嗟咨

饒河舟中

十年海客輕風濤偶歸鄉里誇兒曹長江沂流浪頗靜鄒
湖逕渡龍不驕造物似嫌大輕易故遣河伯相阻撓水迴
百曲灘隱見帆轉四嚮天周遭斜風急雨橫注面人多舟
小時喧嗽罅隙到處補復漏衾茵溼臥難堅牢長夏終日
牕苦閉冷熱數易殊煎熬登舟兩旬住十日上水一尺須
三篙我謝河伯勿復爾壯年意氣久折消富貴自斲此生

已困頓不煩神力勞卻看誰家兩年少坐擁巨艦旌旗高
縱金打鼓順流下倚檣僮僕皆雄豪舟人得意趁風疾紙
錢旦晚河中燒

寄光律原

我夢華山峰頂月思君正在蓮峰缺我夢洞庭湖水深思
君日暮蒼龍吟水長山遠君不見元髮蕭條鏡中變聞君
坐鎮關門雄上游四達水陸衝千艘萬騎日夜過清嘯時
落湘西東我今扁舟彭蠡口明月何人共杯酒撐空突兀
匡廬奇想君胸次今安有卻憶劉晨入此山新詩雕鑿千
嶺屹一從僊成棄我去煙雲翠靄空人閒君既不可見故
人亦已歿搔首狂歌欲爲誰荷鋤獨嚮青山哭

孟塗昔遊廬山作詩

世奇今亡

二載矣

古廟

臨江古廟何蒼涼，斷椽三五壓堵牆。鐘敲鼓倒烏糞積，神袍黯慘手笏亡。憶初興起禱祀盛，神威燿赫殿宇煌。烹雞燔豕曉復夜，路人悚肅邨巫忙。何年衰敗失靈應，狐鼠晝竄蝙蝠藏。我見冠像尙禮敬，神若盪澀顏無光。盛衰轉轂古如此，聽命愚俗神其荒。不見門前老檜樹，亭亭枝葉車蓋張。風膏雨沐自天意，至今黛色參天長。行人走憩誇美蔭，時有好鳥鳴笙簧。年深豈免見怪異，無作威福庶久臧。

白芍藥歌

世閒風色無如白，最豔美人姿態本天生。紛紛紅紫徒堪厭，牡丹雖富賢終恨。丰神少但取白數枝，猶然增窈窕。乃知玉環擅寵自一時，三郎晚歲始好之。若教古今眾美

集恐對飛燕且失色何況西施麗華竝素質我嘗譜花品
無若白蓮尊次當白芍藥妙麗殊精神水僊玉梅亦超俗
祇覺寒素非天人又觀眾等中一一有所擬白蓮如大士
供養宜爲禮牡丹如貴主驕貴固無比水僊及玉梅清峻
勝處子此皆不可棄豈易尋常觀閨人如賓自堪敬無乃
強對中不歡何如芍藥雖資本敵體但覺婉孌都且閑古
雲端莊雜流麗以贈此等足稱無雙顏長安少年誇走馬
無人卻去豐臺下傾國所在求者多故使藏驕論高價友
人贈我玉數枝玲瓏綽約風神奇書生齋頭一旦得佳麗
對此不飲甯非癡但恐狂吟日暮玉山倒踉蹌欲倩等扶
持

雨晴

落日清風放晚晴疎林盡處石灘平橫天一抹飛紅翠坐
聽長虹飲水聲

題洛陽橋

百丈長虹駕海湄一天斜日照豐碑往來十載泉州道又
是橋邊水落時

俗傳宦客過橋值潮長則吉以此爲驗

下灘歌

嶺南羣水自天下勢如建瓴捷奔馬泉源直下苦易竭豈
止覆舟如墮瓦天公憎水尤憎人重重巨石橫當門大灘
數百重鎖固蛟龍不敢相拏吞世人行舟喜迅快一注便
當千丈外性命須臾不少畱可憐從古因貪壞我舟兩日
行苦遲到此始覺心神怡胡爲灘頭忽惆悵卻憶前年初
上時

後湘二集卷第三終

後湘二集卷第四

桐城姚瑩石甫著

古近體詩

汀州藍喬爲余作秋山古寺圖

櫻拂蒲鞋大褐衣
四山秋葉晚風微
鐘聲漸遠雲中寺
偕得楞嚴半部歸

蒼蒼古樹鎖煙寒
遠水斜陽石磴盤
祇恐在山人不見
故教圖外對看山

汪味根海上歸棹圖

浴日浮空絕岸垠
混茫從古幾歸人
與君共有滄桑約
親見蓬萊腳下塵

十年閩海歎無家
浪走濤飛閱歲華
安得一區陽羨宅
綠

藥陰裏話天涯

藍生復爲余作美人香艸圖感題一絕

汀洲日暮采幽芳
森森凌波翠帶長
旅雁不知南望恨
故畱橫影落清湘

侯笠青美人掩卷圖

輕寒翦翦透舊衣
燕子銜綵尙未歸
惟有舊風曾識面
爲翻錦字入羅幃

書恨

氣盡身猶在親亡
子未歸竟成泉下
望再變客中衣
北闕無書上南天
有雁飛冥冥長夜
路骨肉定何依
不作黃泉殉空餘
碧血殷百年虛養
志千里尙閒關盡
室長依幕生兒悔
出山海天霜月冷
曾照別時顏

東亭甫梅友時約遊鼓山

故人偶有名山約
小雨何妨載酒行
直到白雲最高頂
天風一鼓海濤聲

慶姬

姬宛平蕭氏女年十二至閩十三歸余閨人未有
子頗勸納之屬多故未暇許也姬乃深自晦抑忽
忽十年昨歲家室得歸余獨未發解纜前夕微覺
姬有淚容于是知其非無情者乃作一詩貽之
雙鬢初見縮青絲
灼灼芙蕖映碧池
馬首動成千里夢
蛾眉空負十年時
絕憐入匣珠環冷
可柰臨歧玉筯垂
辛苦朝雲猶有恨
海南江北不相隨

春晴

寒雨霏霏入夜清
小牕新暖覺舊晴
五更百鳥弄柔滑
惟有棲鴉作舊聲

董思翁畫

雲起羣峯白未羃
風橫雨勢急相排
無多竹樹披靡盡
獨有寒牕倚石崖

古人字多雙聲疊韻披乃疊韻也宜作平聲

萬伯翰畫竹

一幹撐空一倒垂
更從何處著橫枝
故應寫得蕭疎意
風雨滿天人未知

己丑四月方竹吾來漳州邀同汪味根二丈胡曉峯
同年陳澧西陂藍邨二明府文謙之貳尹遊開元
寺觀唐咸通石塔遂登芝山謁道原堂還至僧寮
聽蔡香谷秀才彈琴蔡石坪明府後至

古寺劣削踞城巔俯瞰市巷如蜿蜒銀榜半落開元字石

塔尙見咸通年蝕金剝碧絕梵響積塵滿殿橫橐龕時開大

開兵卒狼藉殿中當時接構芝山麓鏗鐘伐鼓資聖福僧徒腴田

遍漳水內府金錢壓軫轂銅鑄明皇奉御客玉書景德藏

經續經疏中舊有唐明皇銅鑄御容及宋仁宗御書可憐絕

徽淪蠻中五百年後開儒宗紫陽善教及婦女至今衣履

存其風漳州婦人皆常服外加大布寬衣履下襖以木唐

顛宋蹶山猶在逃墨歸儒道不同道呼文公衣履下襖以木唐

竇以飛來五百年逃墨歸儒跨北溪東湖已後死配食衣

冠肅堂址道原堂祀朱子以陳北溪黃煙樓撞破又何人

前龍溪王今有李明世王龍溪講學出入二氏今則此心

覺放且欲收物外何從覓真是故人新自吾鄉來語我後

起有殊才

竹君言柳城後生頗有稱學老

但使心燈未教滅世衰世盛何

庸哈卻傷老大不歸去風景到處徒增哀柳營江上海潮
沒天寶峯前笳吹發臨邊大帥滿絳旗入座遊人半華髮
一曲焦桐感我心不待農鐘度林樾

喜聞馬伯顧自伊犁戍還復官

平反自古循良重治劇應難巨室齊誰道謫書成市虎尙
聞絕域放金雞三年淚盡冰天月一命

恩深瀚海鰲驚起嶺南淪滯客朝來翹首玉關南

雲洞夜遊

養鶴人何處千年客共來撥雲烹石乳駐月釀珠胎窈曲
藤蘿徑陰沈般若臺清遊貪夜永風露轉蒼苔

鳳臺夜聖

高臺空受月，小雨不藏山。
樹色河流外，蟲吟石壁閒。
坐深忘世隘，心靜得身閒。
爲問前溪夜，白雲猶未還。

曉望

障天橫海岫，破霧出江邨。
歷歷千家樹，荒荒四野墩。
憑闌朝霽好，卽目道心存。
除卻蟬聲噪，山中何事喧。

尋千人洞緣壁登三角石

曉日衝雲四望開，山僧指點入崔嵬。
蛇行洞底通天出，鶴立峯頭絕海來。
得句欲題千丈石，放懷須盡百年杯。
窮幽陟險尋常事，今古蒼茫何處哀。

鳳岡二丈年八十有二登山陟險豪邁逾後生相約

作詩且行且詠，余幾應接不暇，口占一絕以贈。

八十登巖不拄杖，廣州清健幾人同。
故應詩思清如海，寫

盡溪山與未窮

有感

死別三年夢生存萬里身
僂應長墨經那復望簪紳
著意蟬鳴切無情月照新
天涯氣長結慚恨此羈人

余別侯念勤十有五年頃來閩中急見不可得念勤

見寄五言長律沈壯豪激輒成四十字荅之

一片秦淮月飛來照海東
美人好顏色清夢若爲通
寂寞成連曲迷離閩苑風
憑誰寄芳訊怊悵託豐隆

紅拂圖

衛公不識虬髯客越國何知張
出塵從此閨中有衡鑒
有教望氣失真人

與竹吾夜話時同客漳州余年四十有五矣

一萬六千宵底月二百七十客中圓少時朋舊幾相見強
半勞生劇可憐鐵馬金戈橫海夢秋風舊雨渡江船紛紛
轉眼成今古莫惜吳姬壓酒錢

寄徐六襄時調臨海令余方客漳州

天台幾歲訪丹邱坐領名邦亦小侯文字蚤能精選理政

聲時復到鄰謳休將久客嗟淪落且喜同人得上游謂伴

東君家聞道胡麻好顏色萊衣舞罷復何求

陸萊臧西湖詩夢圖

千一百年西湖水費盡人閒萬幅紙紛紛詩畫寫清奇不
及陸生餘夢耳北行燕趙南閩粵辛苦舟車八千里精魂
到處不須錢萬頃煙波憑尺咫新詩入夢吟未終鹵塞月
照東林鐘參差倒影樓觀出蓑笠一櫂搖清空水光激滢

忽雨勢疾雷已過錢塘東孤山梅萼壓寒雪鶴翎掠處餘
飛紅愛君清與不能忘每憶湖山輒神王夢奇詩好耐冥
按玉局逋僊殊意匠湖上老僧心獨閒爲君寫夢更寫山
圖乃老僧
靜遠作定知此境非人到一角雲煙自往還

己丑十月余將去閩喜遇亨甫於福州出示新詩有感

慷慨同傾燕市酒荒寒獨賦渡江詩誰憐憔悴如張緒尙
縱清狂似牧之萬里關河儻來去三年風雨隔歡悲天南
買櫓未歸得爲爾相逢敢恨遲

馮柳東登府東粵修書圖

歐冶東遊盡尾閭問君劒氣復何如能收千鎔藏金匱優
勝枚揚在石渠五虎門前風浪黑九僊山下日霞舒相逢

此意終千古枉笑移家載五車

馮以庶吉士改知將樂縣三月乞病罷去歲三四

云

漳浦黃忠端公先塋在雲霄道光八年有欲侵葬山麓者一夜山上石苔無數盡作黃山字凹凸大小不一或篆或隸天成奇絕柳孝廉廷爵作黃山苔字歌屬和

漢宮老樹一夜泣大書公孫病已立嘗疑人作非鬼工今見黃山驚汗溼黃山之高不盡天大石小石巉萬千山溪石古遍苔字黃山點畫龍蜿蜒嗚呼黃公信人傑理學忠臣今古烈講堂艸歿鄴山書秦淮月冷金陵血憶公初立隆武時偏安王業公不爲武臣不出文臣出慷慨空拳集義師北都南都再淪棄八閩雄關復撤備溥天遺恨盡邱

墟尺土私爭豈公意固知呵護由山靈公之先墓公所經
松楸未置萬家冢苔蘚長畱萬古青

熙朝崇公

聖廡祀式閭封墓何足比苴乎神異公其知飄颻靈旗來
視此

書陳恭甫編修戀雲圖卽以爲別

十年清望擁臯比經術文章識所師北海諸生傳絕業西
京名宿憶前規憐才蚤接舊風坐憎別還題滿巷詩回首
白雲長在嶺自慙仍是出山時

別張亨甫有作兼示令兄怡亭

天寒臘盡吾去越山橋倚舟未肯發故人置酒作淹畱况
復清歌當落月張子三十才無儔氣壓幽并千里鵠連年

垂翅反東南海上蒼煙時出沒獨憑才調寫孤憤更買娉
婷醉華髮阿兄文章老不售虛牝黃金歎空擲對君詩思
尙清豪似我功名豈寂寞嚴城黯黯斷麗譙朱戶重重下
簾幙燕兒琵琶連兒唱木蘭持杯翠裏薄鐙前倚醉惜殷
勤醒後挂帆嚙恍惚佳人一宴情底深老我廿年行未歇
譚笑留卻能罷軍意氣今存破礪骨衝寒自覓西湖擢雪
滿孤山冰逕滑江南有家不歸去燕趙征車行倉卒天濺
淚盡酒痕銷待汝明年嚮金闕

別開化寺僧暢宗

七載事招提先靈曾嘗駐眼枯門外水心死庭中樹緬維
佛願宏邁此身多故生死恨別離艱難餘恐怖蒼蒼烏石
山煙色暖已暮寒月滯湖雲微鐘喚僧渡邈茲禪意寂挂

席余方去白鷺有時飛還疑來編素

古田道中梅

古梅一樹橫杈柯衝寒逼歲時作粵山深道古祇自愛芬
香散盡猶含葩南方臘日少霜雪枝頭已見成蜂衙可憐
落英滿塵漬行人踐踏隨天涯朱顏破屋憔悴死鋸齒繡
戶誰紛誇落日亭亭照我去裴回三嗅空咨嗟

遣悶

好鬥千年自越風無端蠻觸又相攻青宮保傳新承寵也
抵將軍定海功

廉藺從來不並能金壇大將果然登兜鍪擲地何須恨碧
海滄藥付老僧

水利農田本富民金錢拊括亦艱辛諸君自急千秋業不

計閭閻蹙頞人

傳聞殷室半逃亡煮海如何卻病商太史蚤成鹽筴志民

聞方幸解銀鑄

八千矮屋掄才地十道飛符下邑錢換取頭銜王刺史鹵

湖閒引木蘭船

感懷雜詩

門庭如水澹秋光弟子時容一舉觴三十年來耐官職不

知驃騎久騰驤

桂香巖先生爲百文敏母弟乾隆癸丑進

權要文敏功名遐赫公獨淡泊自守道光九年始轉兩階

爲副憲仍三品瑩每至京師公必命酒盡醉嘗寫詠懷詩

示瑩云官如秋水淡人比太倉陳可以想其風采

學舍應無百里塵閨中況有謝夫人淮南書到曾招隱孤

負梅花已甘舊

梁味愚先生名本蒸山東聊城人嘉慶壬戌進士令東流縣丁卯鄉試瑩爲先生所

薦尋以憂去遂不出改沂州府教授與瑩書曰宦海風波
帆遠從茲魂夢俱安繼娶願賢兼工吟詠有子亦能讀父
書

彭紀書多理未醕

先皇命相本知人他年一語回

車駕始信江都社稷臣

嘉慶初大學士缺時望在彭紀上曰彭元瑞紀昀讀書雖多

而不明理特命董文恭師公在

上曰彭元瑞紀昀讀書雖多

警說言方也

上遲疑未發

公隨扈

力言京師根本

小醜不足患請速回以定人心

上悟即日回京賊

壁立中流千仞山武陵遺愛遍諸蠻夕陽無數王曇首檢

點絨書淚獨潛

趙文恪公平生大節凜然朝望比之壁立千仞與瑩手書最多皆商榷民生利病語

也公嘗開藩粵東巡撫粵西總督閩浙雲貴忠誠遺愛在所吏民如出一口

高宗實錄廬陵史一代鴻文手自裁從此不須燕許筆百

粵洲畔獨歸來

少宰萍鄉劉公金門修典學浙江續彭文勤爲歐陽五代史補註

高宗實錄

講戊黑龍江

召還復編修

仁廟升遐大臣上改正其人益

大進用而公歸矣

青眼高歌荷巨公錢唐三日語從容名山霖雨都休憶

悴京華一問中

山陽汪文端公督學浙中一見作三日譚題余詩文集曰行則施爲霖雨藏可勒諸

名山又曰白頭今望當代乃有斯人青眼高歌不朽端歸吾子余自後不復相聞道光五年至京師公猶遣人存問余時被議方爲吏所持謝不往見尋以憂歸公亦薨逝生平深負知己未有如公者

開府勳名重海濱芻蕘幾度費咨詢賈生未薦吳公死遺

恨當時第一人

上元董文恪公督閩時嘗稱余爲閩吏第一屢見訪以大政余之得罪諸公始此今

公已引疾尋薨矣

海外功名泡影如羣公網豈漏游魚然明未必都相識猶

有平原待薦書

顏慥甫尙書撫閩察余被議之枉將奏白之時余在臺灣未相識也公屬臺鎮音公

促使內渡且致語曰吾薦牘已具待若來卽發余未
及渡而公督畿輔去余尋丁先大夫憂竟未一見
梁溪治績有遺型晚歲名猶達

帝庭灑盡平生知己淚九原宿艸等閒青
周續山太守鑄
聞兩浙晚遊
上知特調漳州訪余治平和龍溪事上
書督撫請再得至漳初未相識也及卒遣命其子乞余爲
身後之文

東海何人匿趙岐杜陵曾倚劔南時六條我尙慚蘇綽惠
達如君未足奇
余爲當道所忌方穎齋觀察獨陷之臺灣
及漳州幕中所以待之甚厚君曾守漳州
余令龍溪故相得也君好揚人善過
周惠達遠甚愧余不及蘇武功耳

躍馬橫戈百戰功壯懷銷盡海雲東流沙竟捍孤城死毅

魄猶能萬里雄
音公登額字健齋鑲黃旗滿洲人平八卦
教賊英勇有功由宣大移鎮臺灣見道府

與余齟齬心不平之余獲逆民首朱蔚弭淡蘭之亂道府
寢其事公又力爭竟爲人中傷改調天津去後以副都統
守葉爾羌張格爾之亂孤軍無
援死難
詔贈都統諡

海上妖星二十年將軍破箭靖烽煙如何帶礪昭青史獨

善書生許並肩王公得祿字玉峯臺灣人福建水師提督

世襲余自臺灣罷官回至廈門公折節為兄弟交且厚賄其喪每至公家敬禮獨異

元龍湖海餘豪氣百折崎嶇不道貧珍重荊州老都督結

交還與致千緡觀公喜字吉甫陝西駐防鑲藍旗滿州人

臺灣戍兵召募觀公以問于余為言其不可改狀且議上臺營事宜公大

歎服結忘年兄弟知余困屢欲助之余皆卻謝公堅以千

金助償官負道光八年公為荊州將軍余再以太夫人憂

留滯閩中公貽手書曰弟七年之中兩丁大憂不能歸困

頓可知兄將為謀資斧以助北行幸勿以荊州為嫌拳拳

如此公誠古人之風哉

大江孤艇曾相見南海荒煙尚寄書已負文章千載事不

堪重問子雲居吾鄉王晦生廣文灼討文高古惺翁之外

相勉期望甚厚今先生歿已七年矣

嶺海相逢十六年幾人堪贈買山錢生涯未優麗居士驥

下娉婷劇可憐嘉慶十九年識龍巖饒曉池廷襄于粵東今十六年矣

物甚精尤深禪理數上公車不第髮且半白貧而無子置一妾頗有敬通之憂嘗語余曰終當入空寂門使妾得子

稍事亦可悲也

撒手懸崖李廣州功名室盡浮漚紛紛講道爭朱陸不

及青山自在遊李鳳岡太守咸守廣州日上游方大倚用忽一夜避妻子手書乞退居都下十年一

旦思返漳州復不告家人盡棄其業隻身南下蓋有道力者今年八十二猶如壯夫數與余登山必窮其巔初不拄

杖著書數十卷言天人事物之理至矣余之行也屢贈以詩且以其書為託

三百年來嶺外詩聞人何似粵人奇眼中絕足張亨甫不

讓前朝鄭繼之前明以來閩粵詩人無過鄭繼之屈翁山者近惟建甯張亨甫際亮最為傑出

游夏猶難贊一辭紛紛作傳亦徒為舍人新解春秋義獨

衰遺經自得師光澤高兩農舍人謝然著舊秋釋義不用諸傳大義豁然

不見梅崖六十年閩中文獻更誰傳雨農齒豁怡亭老著

作猶能貺後賢

雨農與建甯張怡亭紳皆善文章梅崖嗣

三人縱譚未嘗不竟夜

海內文章有惜翁新城學士得宗風方劉梅管均堪畏輪

卻家雞是阿蒙

陳石士開學詩文醇雅得惜翁正傳然閩

秀上座余謂若吾桐方植之東樹劉孟塗聞上元梅伯言曾亮及異之皆惜翁高足可稱四傑未知閩學謂何如也

除日建甯道中口號

碧水蒼山送歲窮無情竹樹自搖風
褰幃欲共幽禽語落

盡梅萼客路中

後湘二集卷第四終

後湘二集卷第五

桐城姚 瑩石甫著

古近體詩

庚寅正月宿建陽縣

谿山迢遞隔年行，澗艸幽萼偶一明。細雨邨寒元日酒，斷

橋水闊建陽城。

縣城環水有南北二橋時南橋久圯

令嚴斥堠人猶戒

地多盜

夢近連灘響未平。自古嶺南遷謫地，不應回首獨心驚。

折梅

折梅大道傍，攀條不忍斷。朱英入我懷，舊意從茲換。甯知
遠行客，寸心久零亂。夜夜北風寒，餘香莫吹散。

山中人日

山松和谿水，旦夕風雨聲。嶺鰭漏朝日，始知天際晴。紆迴

轉前路竹樹蒼然清眼豁眾峯開邨雞方午鳴禾藁猶在
田舊犁未欲畊香蘋早炊熟濁酒聊一傾野老進客言山
家無所營欣此人日好寒梅吐朱英勸君樂新歲勿復貪
長征舉首復輿駕歎息何能平

楓嶺

楓嶺界閩越客行近故鄉甯知楚江水猶自隔錢塘荒驛
畱殘夢嚴寒覺早霜春風莫爭路相待及垂楊

見月

一年初見月對我倍清新似爾能憐客天涯况早舊嶺梅
爭夜色江燕待歸人莫嚮妝臺照蛾眉未放顰

旅夜觀燈

客裏逢元夜鄉心感歲鴻可憐好星月猶照衍魚龍社鼓

郁郁喜宵鐙處處紅無爲惜長路行樂萬方同

題僊霞關壁

白雲堆裏見雄關十四年來去復還莫笑書生無建立天
教看盡海東山

得李海帆書

吾聞永州守三載不名錢鄰郡添新債故鄉鬻祖田謳歌
猶滿境書到已經年宣室何時召應蒙

聖主憐

君清貧甚告貸于潯州孫少蘭太守先世遺田皆盡當被吏議甚嚴永州之授蓋特恩也

有感

本朝家法萬年昌

聖母天臨翊我

皇宮史定知書不盡小臣惟有祝

無疆

舟中立舊

客愁窮嶺表喜見浙西舊遠渚纔通楫寒鳥欲近人關山
歸雁靜風日暗潮新祇愧嚴灘客憐余歲問津

舟曉

緩風柔艣破晴江初日玲瓏欲透牕不解何人惜舊夢珠
簾深下碧油幢

聞雁

夢醒蓬牕欲四更朦朧月照不分明十年嶺嶠無逢雁愁
聽天南第一聲

蘭溪

溶溶舊水碧如油客下蘭溪半住舟日暮西風催棹急掠

他兒女一江愁

桐廬舟中

濛濛細雨似輕煙淺水平山入遠天千樹梅華萬樹柳
廬江上看新年

口號

越女明妝照水濱偷將玉笛換新舊珠簾捲起風帆滿愁
煞吳王宮裏人

桐廬放舟

正月已半山欲醒雲煙澹長梅萼亭萼先破寒吐舊日楊
柳千樹未敢清淺渚暖盡睡雁足平坡軟到枯艸莖我行
歲籙復歲始故園夢杳天冥冥桐廬江中水照眼蓬窗坐
對人娉婷玉壺半傾且欲已朝來短髮添星星聊將此意

付清曲四絃哀怨猶可聽

杭州晤徐六襄

嗟乎楞亭鬚已白潦倒一官稱望赤生無媚骨事公卿枉
用甘腴薛經籍三千里外夢魂遠十五年來江南隔盡道
青冥屬上才誰知黃鵠垂修翮東風吹我嶺外返扁舟搖
搖蕩心魄相逢顏色怪我蒼如此風塵豈能澤憶初識子
鄉里時意氣文章鎮相憎望古常存屈賈悲感時欲上天
人策曾占出處龍在田誰料升沈駒過隙年來奔走厭舟
車盪向諸侯稱上客男兒饑寒何足道湖上舊光莫拋擲
一樽放艇作清遊千樹梅萼好鋪席

許農生自徽州來遊西湖卽去

首別皖公江上月天涯三十二回新照君清夢黃山頂憶

我行吟瘴海濱常恐題詩傷白髮可憐到眼又青蒿相逢
且買西湖櫂處士梅塢解候人

寄徽州劉玉坡太守

北雁南魚路不通每從海外望江東致身良見二千石訪
勝閒登州六峯燕市曾年同換酒錢唐此夜獨推篷靈潮
欲上煙波冷愁對明妝照眼紅

黃梅道中

燕雁迢迢秋意闌長空何處罷飛翰丹楓幾點官橋晚黃
菊一枝邨酒寒雲入楚天常帶雨夢寒江艸不成蘭美人
遲暮原多感况是高樓玉笛殘

黃九香

瑞琳

以東坡紫雲端硯見示索詩卽題其詩

集

東坡黃州幾年住妙筆人間散無數雪堂赤壁祇今存風
景江山應如故公已騎箕誰地主寂寞雲煙付毫素羅田
陳子今詩人嗜古性雋通精神好公文章覓公物得公此
研甯非珍君詩公硯一朝見怪來寶氣紛輪囷世人學杜
死皮骨學蘇誰能辨主客煙火不脫苦凡近公自飛僊妙
無迹聞君論詩與我同不信試問黃州石

登武昌城樓

百尺高樓俯大鈞孫劉往事迹空陳水吞江漢還趨海地
控巴吳不入秦日落荒洲弔鸞鵲風吹斷塚見麒麟帆檣
終古如林泊爲想旌旗十萬屯

荊州弔劉景升

茫茫雒陽古雄州誰擁旌旗坐上游得水臥龍終入蜀過

江名士尙依劉已聞饗客如黃祖那用生兒是仲謀畢竟
虛聲能卻敵生存猶使阿瞞愁

荊州晤光律原

別君十五年相思多苦辛扁舟千里來一見難具陳淹留
遂五日日日形影親把酒復對牀絮語夜及晨少時友直
諒同里非常倫片言相砥礪千載期扶輪自從張劉死余
亦汨風塵出處時事乖大義無復申平生蹇遭遇八九君
已聞一官涉窮荒寬猛惟因民雖竊神明譽愧無風俗淳
家室仍屢空逋負滿四鄰世情多醜直面喜背則瞋死灰
今復然實感吾

皇仁位卑言獨高得罪甯無因事上必恭敬吐辭當閭閻
奈何任姦直舉止猶天真感君誠且泣握手言之諳古人

有諍友士以不亡身自非骨肉受誰復憐沈淪久矣不聞
過再拜行書紳

我從武昌來江水方洪流男婦破釜餽鼎鼎去滿舟問言
巴東水五月騰蛟蚪受淹及鄰境荆郡當其尤復苦秋潦
淫禾苗不得收田廬既以沒乞食無乾邱幸免身作魚那
計形如鳩聞之心惻然重以旅客愁漸行入監利彌望水
四周邨墟漫舟過不辨東西陬水中見敗屋炊斷風颭颭
墳墓穴魚鱉白日鳴鵠鵠此邦本澤國水患無時休聞君
請民命大府方夷由幸乃逮賑卹稍慰民咿嚶大府今代
賢民事甯不謀欲言陳災異恐爲

聖人憂今時實孔艱水旱不一州河北大地震幾輔創未
瘳又聞天山下羽檄星馳投討賊事未已母乃邦之羞上

報

天子命下爲黎元籌羣公方濟世賤子復何求

再呈律原

古人守一官或以終其世量材而受職非必皆顯仕所行
卽所學出處總一致嬴秦亂天紀仕者惟師吏儒生皆恥
之抱道守空器學行與治術此事遂爲二漢帝求遺經腐
儒不曉事遂令英雄主亦但虛延致

聖朝養士崇學官普天寅嘯喑少及壯寵祿眩所志尙昧
古是非何知今利弊一朝幸通籍世事仍聾聵兵刑與錢
穀乃始問涯際所以稱賢能往往今省異匪云論資格道
重在歷試君始學古先人稱好文字及後作刑官名法乃
無滯今茲察三郡課績君其最長者嗜好殊久淹亦非計

道光十年九月至武陵謁趙文恪公墓有作

沅水洞庭外同流出海門我家桐子國來問楚江源芳芷
牽離夢秋風黯病魂平生重一諾況乃負私恩

海外紛持節傾心獨武陵一誠終結

主大德不矜能蠻徼遺祠廟

朝廷失股肱豐碑

明詔在衡岳共峻嶒

嶺表棲遲日諮詢蚤夜周每聞天下計獨抱盛時憂弟子
言容懇羣公忌未休遺編終不朽腸斷海東遊

烽火傳來急天山有困城再驅回紇馬遠望吉林兵

聖主頻宵旰先臣隔死生松楸風雨夜應是不平鳴

古人通氣誼原不閒存亡竟感精靈接翻令遊子傷赴喪

遲白馬師事永秋陽再拜從茲去迢迢千里望望舟至武陵城下是

夜公季子敦諱有事先塋夢公呼之曰迪光起有遠客至矣迪光敦諱字也

十月二十七日武陵臨沅門外別趙惕吾敦訓 廊麓

敦諱兄弟

我今歸治任愧予贈瓊瑤風雪滿江去回頭水國遙長松
翳邱壘慈竹上青霄鄭重庭闈樂相期及後凋
嗷嗷天際雁又作故鄉聲客去雁方至難爲別酒傾沅江
芳芷歇皖水暮潮生上下流波接知君憶我情

贈武陵胡光伯焯

怪君才似張亨甫冠帶年華好句傳流水桃筍時獨問湘
蘭漣芷其誰舉祇今詞賦追前代他日功名屬後賢聞道
玉關烽火急可無奇計勒燕然

望湘

不渡湘江水憑書報屈原恐因今偃蹇翻感古精魂日黯
歲將莫天高雪又屯芬芳竟已矣含涕問荃蓀

寄鄧湘臯時君爲甯鄉學博增輯楚寶將成書來相
召余方亟歸不能赴也

鄧子文章今鳳麀湘南湘北無儔人公車十上不得意廣
文一官閑卻身鬻官使者問所職上書千言動顏色譚詩
方伯與分牋開府中丞時歎息教士由來則古先楚中文
獻未應湮襄陽耆舊傳勤績汝南不獨壇先賢句蒐字討
已盈尺學舍艸深頭盡白炊冷終朝忘苦饑書成百代聊
爲役絕業高名動世忌貝錦青蠅日紛至卑官落拓尙如
此蜀道巉巖足心悸我從江北扁舟來漢壽城邊秋艸衰

爲憐屈賈生同恨不渡湘江心自哀別子五年多苦詠北

風寒厲摧衰病

時方患瘧疾

天邊冷雁無定飛一紙書來淚先

迸聞道四方旱潦多

九重宵旰定如何悲筋又動天山雪十二金城再枕戈世
事誰從詹尹卜知君終爲蒼生哭登舟明發且逡巡耿耿
旄頭江水瀛

後湘二集卷第五終